



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae

Hieronymus, Sophronius Eusebius

Coloniae Agrippinae, 1674

XLVII. Ad Theoph Beatiß. Papæ. Meminit.

urn:nbn:de:hbz:466:1-37862

XLVII. Hieronymus Theophylo Alexandrino Episcopo. Cujus epistola respondet de retinenda veteri & Romana fide, deque zelo profugandi Secularios.

Beatissimo Papæ Theophylo Hieronymus salutem. Meminit beatitudo tua, quod eo tempore, quo nobiscum manebas, nunquam ab officij meo sermo cessaverit: nec consideraverim, quid tu pro dispensatione tunc faceres, sed quid me facere conveniret. Et nunc sumptis dignationis tuæ epistolis, fructum aliquem cœpisse me video Evangelicæ lectionis. Si enim duri judicis sententiam crebra mulieris inflexit petitio: quanto magis paterna viscera interpellatione sedulâ molliuntur? Quod de canonibus Ecclesiasticis mones, gratias agimus. Quem enim diligit Dominus, corripit; flagellat omnem filium quem recipit. Sed tamen scito, nobis nihil esse antiquius, quam Christi jura servare, nec patrû transire terminos, semperque meminisse Romanam fidem, Apostolico ore laudatam: cujus se esse participem Alexandrina Ecclesia gloriatur. Super nefaria hæresi, quam in multa patientia geris, & putas Ecclesiæ visceribus incubantes tuâ posse corrigi lenitate, multis sanctis displicet: ne dum paucorum pœnitentiam præstolaris, nutrias audaciam perditorum, & factio robustior fiat.

Vale in Christo,

Luc. 13.

Prov. 3.

Heb. 12.

Romana
fides.